

OPĆINA CENTAR

Općinsko vijeće

Na osnovu člana 46. Zakona o prostornom uređenju ("Službene novine Kantona", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik je, 21. juna 2007. godine, verifikovao i donio

ODLUKU

O KOREKCIJI URBANISTIČKOG PROJEKTA
"KVADRANT SIRANO - POZORIŠTE MLADIH"

Član 1.

Usvaja se korekcija Urbanističkog projekta "Kvadrant Sirano - Pozorište mladih" ("Službene novine Kantona", broj 25/03); (u daljnjem tekstu: korekcija Plana).

Član 2.

Korekcijom Plana utvrđuje se građevinska parcela za izgradnju građevine na zemljištu označenom kao k.č. 1849 K.O. Sarajevo IV (novi premjer), što odgovara k.č. 155 i dio k.č. 199 K.O. Sarajevo XLVIII, te k.č. 267 i dio k.č. 10 K.O. Sarajevo XXXIX (stari premjer), čime se mijenja položaj (lokacijska postavka), horizontalni i vertikalni gabarit, regulaciona i građevinska linija objekta, a sve u okviru Urbanističkog projekta "Kvadrant Sirano - Pozorište mladih"; utvrđene prostorne cjeline - Poslovna zona 1.

Korekcijom Plana se utvrđuje i uspostava pristupnog - protupožarnog puta iz ulice Kulovića, spratnost objekta i izmjena

ulaska u planiranu garažu putem lifta kao što je prikazano u grafičkim prilogima.

Izvršene korekcije se primjenjuju i na ostalim fazama Plana.

Član 3.

Korekcija Plana se sastoji iz tekstualnog dijela i grafičkog priloga sa prikazanom saobraćajnicom i objektom koji je predmet korekcije.

Tekstualni dio i grafički prilog korekcije Plana, su sastavni dio Urbanističkog projekta "Kvadrant Sirano - Pozorište mladih" ("Službene novine Kantona Sarajevo", broj 25/03),

Član 4.

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo i Ministarstvu prostornog uređenja Kantona Sarajevo.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 10-23-6636/07
21. juna 2007. godine
Sarajevo

Načelnik Općine Centar
Dževad Bećirević, s. r.

Napomena: Na oglasnoj ploči Općine Centar objavljeno 21. juna 2007. godine

OPĆINA NOVO SARAJEVO

Općinsko vijeće

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06), člana 18. stav 1. alineja 4. Statuta Općine Novo Sarajevo - Prečišćeni tekst ("Službene novine Kantona Sarajevo", broj 12/06) i člana 14. stav 1. alineja 1. Odluke o izvršavanju Budžeta Općine Novo Sarajevo za 2007. godinu ("Službene novine Kantona Sarajevo", broj 11/07), Općinsko vijeće Novo Sarajevo, na 27. sjednici od 28. juna 2007. godine, donosi

ODLUKU

O RASPODJELI SREDSTAVA SA GRANTA ZA
BORAČKA UDRUŽENJA SA EKONOMSKE
KLASIFIKACIJE 614300 - GRANTOVI NEPROFITNIM
ORGANIZACIJAMA - NA RAZDJELU
02 - JEDINSTVENI OPĆINSKI ORGAN

Član 1.

Ovom Odlukom raspoređuju se sredstva obezbijedena u Budžetu Općine Novo Sarajevo za 2007. godinu, na ekonomskoj klasifikaciji 614300 - grantovi neprofitnim organizacijama - grant boračkim udruženjima, u iznosu od 170.000,00 KM, sa razdjela 02 - Jedinstveni općinski organ.

Član 2.

Sredstva iz člana 1. ove Odluke raspoređuju se na sljedeći način:

- Udruženje Organizacija porodica šehida i poginulih boraca Općine Novo Sarajevo. 32.130,00 KM

- JOB " Unija veterana"
Općine Novo Sarajevo 28.350,00 KM
- Udruženje RVI Općine Novo Sarajevo . 28.350,00 KM
- Udruženje D.N.R.P. "Zlatni ljiljan" i
"Zlatna policijska značka"
Općine Novo Sarajevo 18.900,00 KM
- Udruženje boraca
odbrambeno-oslobodilačkog rata 1992-1995.
Organizacija demobilisanih boraca
Općine Novo Sarajevo 17.010,00 KM
- Udruženje "Zelene beretke" Općine
Novo Sarajevo 9.450,00 KM
- Udruženje boraca "Patriotska liga"
Općine Novo Sarajevo 18.900,00 KM
- Udruženje boraca narodnooslobodilačkog
antifašističkog rata 41-45 SUBNOR-a
Općine Novo Sarajevo 9.450,00 KM
- "Udruženje za sport i rekreaciju invalida"
Općine Novo Sarajevo 5.670,00 KM
- Koordinacija boračkih udruženja
Općine Novo Sarajevo 1.790,00 KM
- UKUPNO: 170.000,00 KM

Član 3.

Sredstva iz člana 2. ove Odluke doznačivaće se korisnicima kvartalno, prema pripadajućim iznosima.

Član 4.

Korisnici sredstava iz člana 2. ove Odluke dužni su, po realizaciji odobrenih sredstava, dostaviti nadležnoj općinskoj službi i nadležnom radnom tijelu Općinskog vijeća izvještaj o utrošku budžetskih sredstava sa finansijskom dokumentacijom, a najkasnije do 31.01.2008. godine.